

第三五六册

明倫彙編

氏族典

高姓部

曹姓部

陶姓部

毛姓部

勞敖

操

諸姓部

何姓部

(卷)

一〇三—一〇六

一〇七—一〇九

一一〇

一一一

桃

褒羔

一一二

一一三—一一五

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典

第二百三卷目錄

高姓部列傳三

北齊二

高孝瑜

高孝琬

高延宗

高紹德

高紹仁

高百年

高彥德

高彥康

高綽

高廓

高仁英

高仁幾

高仁儉

高仁直

高元海

高保寧

北周

高琳

高儒

隋

高頴

高構

唐

高孝珩

高長恭

高紹信

高紹義

高紹廉

高彥理

高彥基

高彥忠

高儼

高貞

高仁光

高仁邕

高仁雅

高仁謙

高阿那肱

高寶

高勸

高斌廉

高開道

高智周

高眞行

高子貢

高仲舒

高適

高力士

高郢

高沐

高霞寓

高承簡

高欽

高錯

高少逸

高瓌

高湘

高駘

高言

高彥

高豐

高馮

高儉

高履行

高番行

高叔

高秀岩

高仙芝

高尚

高固

高崇文

高定

高瑀

高錡

高重

高元裕

高湜

高蟾

高仁厚

高勛

高渭

氏族典第二百三卷

高姓部列傳三

北齊二

高孝瑜

按北齊書河南康舒王孝瑜傳河南康舒王孝瑜字正德文襄長子也初封河南郡公齊受禪進爵爲王歷位中書令司州牧初孝瑜養於神武宮中與武成同年相愛及武成卽位禮遇特隆爾朱御女名摩女本事太后孝瑜先與之通後因太子婚夜孝瑜竊與之言武成大怒頓飲其酒三十七盞使妻于彥軌以出就之於車至西華門煩熱躁悶投水而絕于弘節嗣

高孝珩

按北齊書廣寧王孝珩傳廣寧王孝珩字襄第二子也歷位司州牧尚書令司空司徒錄尚書大將軍大司馬孝珩愛實人物學涉經史好綴文有伎藝嘗於廳事壁自畫一蒼鷹見者皆以爲眞又作朝士圖亦當時之妙絕後主自晉州敗奔鄴孝珩爲滄州刺史以五千人會任城王於信都共爲匡復討齊叛臣乞扶令和以稍刺孝珩墜馬遂見擄至長安依例授開府縣侯尋卒

高孝琬

按北齊書河間王孝琬傳河間王孝琬字襄第三子也天保元年封天統中累遷尚書令初突厥與周師入太原武成將避之而東孝琬叩馬諫請委趙郡王部分之必整齊帝從其言周軍退拜并州刺史孝琬以文襄世嫡驕矜自負和士開與祖珽譖之帝怒使

武衛倒鞭搥之折其兩脛而死子正禮嗣幼聰穎能誦左氏春秋齊亡遷縣州卒

高長恭

按北齊書蘭陵武王長恭傳蘭陵武王長恭一名孝瓘文襄第四子也累遷并州刺史突厥人晉陽長恭盡力擊之歷司州牧青瀛二州頗受財貨後爲太尉與段韶討柏谷又改定陽前後以戰功別封鉅鹿長樂樂平高陽等郡公後主忌之武平四年五月帝使徐之範飲以毒藥遂薨

高延宗

按北齊書安德王延宗傳安德王延宗文襄第五子也幼爲文宣所養年十二輪騎置腹上問欲作何王對曰欲作衛天王文宣問楊愔愔曰天下無此郡名願使安於德於是封安德焉爲定州刺史後歷司徒太尉相國并州刺史總山西兵事後主奔鄴在并將率威諸延宗即皇帝位改武平七年爲德昌元年周軍圍晉陽延宗戰力屈走至城北於人家見禽未幾周武誣後主及延宗等云遙應穆提嬰反使並賜死

高紹信

按北齊書漁陽王紹信傳漁陽王紹信文襄第六子也歷特進開府中領軍護軍青州刺史齊滅死於長安

高紹德

按北齊書太原王紹德傳太原王紹德文宣第二子也天保末爲開府儀同三司武成因怒李后罵紹德曰你父打我時竟不來救以刀環築殺之親以土埋之遊豫園武平元年詔以范陽王于辨才爲後襲太

原王

高紹義

按北齊書范陽王紹義傳范陽王紹義文宣第三子也初封廣陽後封范陽歷位侍中清都尹及後主奔鄴以紹義爲尚書令定州刺史周武帝尅并州紹義引兵南出欲取并州兵敗奔突厥突厥他鉢可汗謂文宣爲英雄天子以紹義重課似之甚見愛重凡齊人在北者悉隸紹義高寶寧在營州表上尊號紹義遂即皇帝位稱武平元年他鉢亦招諸部各舉兵南向云共立范陽王作齊帝爲其報讎盧昌期據范陽亦表迎紹義俄而周將宇文神舉攻滅昌期紹義聞范陽城陷素服舉哀廼軍入突厥周人購之於他鉢又使賀若諒往說之他鉢猶不忍遂僞與紹義獵於南境使諒執之流于蜀

高紹仁

按北齊書西河王紹仁傳西河王紹仁文宣第四子也天保末爲開府儀同三司薨

高紹廉

按北齊書隴西王紹廉傳隴西王紹廉文宣第五子也初封長樂後改爲性蠱暴嘗拔刀逐紹義紹義走入廐閉門拒之紹義初爲清都尹未及理事紹廉先往喚囚悉出率意決遣之能飲酒一舉數升終以此薨

高百年

按北齊書樂陵王百年傳樂陵王百年孝昭第二子也孝昭即位立爲皇太子帝臨崩遺詔傳位於武成并有手書其末曰百年無罪汝可以樂處置之勿學

前人大寧中封樂陵王博陵人賈德胄教百年書百年嘗作數勅字德胄封以奏帝怒召百年百年被召自知不免割帶玦留與妃斛律氏見帝於元都苑涼風堂使百年書勅字驗與德胄所奏相似遣左右亂捶擊之又令人曳百年遠堂且走且打所過處血皆遍地氣息將盡曰乞命願與阿叔作奴遂斬之棄諸池池水盡赤於後園親看埋之妃把玦哀號不肯食月餘亦死玦猶在手拳不可開時年十四其父光自勞之乃開後主時詔以襄成王子白澤襲爵樂陵王齊亡入關徙蜀死

高彥理

按北齊書汝南王彥理傳汝南王彥理武平初封王位開府清都尹齊亡入關隨例授儀同大將軍封縣子女入太子宮故得不死隋開皇中卒并州刺史

高彥德

按北齊書始平王彥德傳始平王彥德與汝南同受封加儀同三司

高彥基

按北齊書城陽王彥基傳城陽王彥基與汝南同受封加儀同三司

高彥康

按北齊書定陽王彥康傳定陽王彥康與汝南同封加儀同三司

高彥忠

按北齊書汝南王彥忠傳汝南王彥忠武平初封王加儀同三司

高綽

按北齊書南陽王綽傳南陽王綽字仁通武成長子也以五月五日辰時生至午時後主乃生武成以綽母李夫人非正嫡故貶為第二名融字君明出後漢陽王河清三年改封南陽別為漢陽置後綽始十餘歲留守晉陽後為司徒冀州刺史左轉定州召拜大將軍韓長鸞聞之除齊州刺史將發長鸞令綽親信誣告其反奏云此犯國法不可赦後主不忍顯戮使寵胡何猗薩後園與綽相撲擒殺之

高儼

按北齊書琅邪王儼傳琅邪王儼字仁威武成第三子也初封東平王拜開府侍中中書監京畿大都督領軍大將軍領御史中丞遷大司徒尚書令大將軍錄尚書事大司馬武成崩改封琅邪儼以和士開駱提婆等奢恣盛修第宅意甚不平二人由是忌之武平二年出儼居北宮四月詔除太保治書侍御史王子宜與儼左右開府高舍洛中常侍劉辟疆說儼曰殿下被疏正由士開開搆何可出北宮入百姓叢中也儼謂侍中馮子琮曰士開罪重兄欲殺之子琮心欲廢帝而立儼因贊成其事儼乃令子宜表彈士開罪請付禁推子琮雜以他文書奏之後主不審省而可之儼誑領軍庫秋伏連伏五十人於神獸門外詰旦執士開送御史儼使馮永洛就臺斬之遂率京畿三千餘人屯千秋門後主乃急召斛律光儼亦召之光聞殺士開撫掌大笑曰龍子作事固自不似凡人入見後主於末巷帝率宿衛者步騎四百授甲將出戰光曰小兒輩弄兵與交手即亂至尊宜自至千秋門琅邪必不敢動後主從之光步道使人走出曰大

家來儼徒駭散帝駐馬橋上遙呼之儼猶立不進光就謂曰天子弟殺一漢何所苦執其手彊引以前請帝曰琅邪王年少腸肥腦滿輕為舉措長大自不復然願寬其罪帝拔儼帶刀環亂築辦頭良久乃釋之自是太后處儼於宮內食必自嘗之陸令萱說帝早為計帝納其言九月下旬帝啓太后曰明日欲與仁威出獵須早出早還是夜四更帝召儼儼疑之陸令萱曰兄兄喚兒何不去儼出至末巷劉桃枝反接其手儼呼曰乞見家家尊兄桃枝以袖塞其口反抱蒙頭負出至大明宮鼻血滿面拉殺之時年廿四有遺腹四男生數月皆幽死以平陽王淹孫世俊嗣

高廓

按北齊書齊安王廓傳齊安王廓字仁弘武成第四子也性長者無過行位特進開府儀同三司定州刺史

高貞

按北齊書北平王貞傳北平王貞字仁堅武成第五子也沈審寬恕帝常曰此兒得我鳳毛位司州牧京畿大都督兼尚書令錄尚書事帝行幸總留臺事積年後主以貞長大漸忌之阿那肱承旨令馮士幹劾繫貞於獄奪其雷後權

高仁英

按北齊書高平王仁英傳高平王仁英武成第六子也舉止軒昂精神無檢格位定州刺史

高仁光

按北齊書淮南王仁光傳淮南王仁光武成第七子也性躁且暴位清都尹

高仁幾

按北齊書河西王仁幾傳河西王仁幾生而無骨不

高仁邑

按北齊書樂平王仁邑傳樂平王仁邑養於北宮武平末始得出外

高仁儉

按北齊書顯川王仁儉傳顯川王仁儉為膠州刺史

高仁雅

按北齊書安樂王仁雅傳安樂王仁雅從小有瘡疾

高仁直

按北齊書丹陽王仁直傳丹陽王仁直為濟州刺史

高仁謙

按北齊書東海王仁謙傳東海王仁謙養於北宮武平末始得出外與後主死於長安

高元海

按北齊書上洛王思宗傳思宗子元海累遷散騎常侍除領軍武成即位除侍中開府儀同三司太子詹事河清二年出為兗州刺史武平中與祖珽共執朝政出為鄭州刺史鄭城將敗徵為尚書令周建德七年謀逆伏誅

高阿那肱

按北齊書高阿那肱傳阿那肱善無人也其父市貴從高祖起義那肱為庫典從征討以功勳擢為武衛將軍肱妙于騎射便辟善事人大為世祖所愛重又諂悅和士開士開每為之言彌見親待後主即位累遷并省尚書左僕射封淮陰王又除并省尚書令武

平四年令其錄尚書事又總知外兵及內省機密又爲右丞相周師逼平陽後主于天池被獵及顛沛還鄉那肱從行後主走度太行令那肱以數千人投濟州關仍遣悅侯及周將軍尉遲迥至關肱遂降肱至長安授大將軍封郡公爲隆州刺史諡

高保寧

按北齊書高保寧傳保寧代人也不知其所從來武平末爲營州刺史鎮黃龍周師將至幽州行臺潘子晃徵黃龍兵保寧率驍銳赴救至北平聞郡都不守便歸營周帝遣使招慰不受勅書范陽王紹義在突厥中上表勸進范陽署保寧爲丞相及盧昌期據范陽城起兵保寧集兵數萬騎來救之至路河知周將宇文神舉已屠范陽還據黃龍竟不臣周

北周

高琳

按周書高琳傳琳字季琨其先高句麗人也五世祖宗歸魏拜第一領民酋長賜姓羽真氏祖明父遷仕魏咸亦顯達琳母嘗厭厭酒演遇見一石光彩朗潤遂持以歸是夜夢見一人衣冠有若仙者謂其母曰向所將來之石是浮磬之精必生令子其母驚寐俄而有娠及生因名琳字季琨魏正光初起家衛府都督以功轉統軍又從尔朱天光破万俟醜奴功最除車朔將軍奉車都尉後隨天光敗于韓陵山琳因雷洛陽魏孝武西遷徙入關爲齊神武所迫拒戰有功封鉅野縣子大親初進爵爲侯轉龍驤將軍頃之授直閣將軍遷平西將軍加通直散騎常侍二年從太祖破齊神武於沙苑轉安西將軍進爵爲公累遷衛

將軍銀青光祿大夫右光祿大夫四年從戰河橋勇冠諸軍拜太子左庶子尋以本官鎮玉壁復從太祖戰邙山除正平郡守加大都督進使持節車騎大將軍儀同三司散騎常侍除鄜州刺史加驃騎大將軍開府儀同三司侍中孝閔帝踐阼進爵爲郡公武成初征吐谷渾以勳別封一子許昌縣公除延州刺史保定初授梁州總管十州諸軍事天和二年徙丹州刺史三年遷江陵總管入朝進授大將軍仍副衛公直鎮襄州六年進位柱國建德元年薨時年七十六贈本官加冀定齊滄州五州諸軍事冀州刺史諡曰襄

高賓

按周書裴文舉傳高賓渤海裔人也父季安撫軍將軍兗州刺史賓少聰穎有文武幹用仕東魏歷官至龍驤將軍諫議大夫立義都督同列有忌其能者謂之于齊神武大統六年乃棄家屬間行歸關太祖授安東將軍銀青光祿大夫稍遷通直散騎常侍撫軍將軍大都督世宗初除咸陽郡守政存簡惠甚得民和加使持節車騎大將軍儀同三司散騎常侍賜姓獨孤氏武成元年除御正下大夫兼小載師出爲益州總管府長史保定初徵拜計部中大夫治中外府從事中郎賜爵武陽縣伯賓敏干從政果敢決斷案牘雖繁綽有餘裕轉太府中大夫齊公憲府長史天和二年除都州諸軍事都州刺史進位驃騎大將軍開府儀同三司治襄州總管府司錄六年卒時年六十八開皇中贈賓禮部尚書武陽公諡曰簡

高儒

按周書高琳傳琳字儒少以父勳賜爵許昌郡公拜左侍上士後襲爵健爲郡公位至儀同大將軍

隋

高穎

按隋書高穎傳穎字昭元一名敏自云渤海裔人也穎少明敏有器局年十七周齊王憲引爲記室武帝時襲爵武陽縣伯除內史上士尋遷下大夫以平齊功拜開府高祖得政素知穎強明又習兵事多計略意欲引之入府遣邢國公楊惠諷意穎承旨欣然於是爲相府司錄破尉迥進位柱國改封義寧縣公遷相府司馬高祖受禪拜尚書左僕射進封渤海郡公上每呼爲獨孤而不名也穎深避權勢上表遜位聽解僕射數日命穎復位僕射左衛大將軍又拜左領軍大將軍母憂去職二旬起令視事穎涕辭讓優詔不許開皇一年長孫覽元景山等伐陳令穎節度諸軍會陳宣帝薨穎以禮不伐喪奏請班師蕭巖之叛也詔穎綴集江漢甚得人和九年晉王廣大舉伐陳以穎爲元帥長史及陳平軍還以功加授上柱國進爵齊國公上柱國王世積以罪誅當推廢之際乃有官禁中事云於穎處得之上怒穎竟坐免以公就第未幾穎國令上穎陰事於是除名爲民煬帝即位拜爲太常帝時修靡聲色滋甚又起長城之役穎甚病之謂觀德王雄曰近來朝廷殊無綱紀有人奏之帝以爲謗詎朝政於是下詔誅之諸子徙邊穎有文武大略明達世務及蒙任寄之後竭誠盡節引進貞良以天下爲己任其子盛道官至莒州刺史徙柳城而卒次弘德封應國公晉王府記室次表仁封渤海

郡公從蜀郡

高勣

按隋書高勣傳勣字敬德渤海裔人齊太尉清河王岳之子也幼聰敏美風儀以仁孝聞年七歲襲爵清河王十四爲青州刺史歷右衛將軍領軍大將軍祠部尚書開府儀同三司改封樂安王性剛直有才幹甚爲時人所重斛律明月雅敬之每有征伐則引之爲副還侍中尚書右僕射及後主爲周師所敗勣爲周軍所得授開府儀同三司高祖爲丞相以勣檢校揚州事後拜楚州刺史民安之七年轉光州刺史及大舉伐陳以勣爲行軍總管從宜陽公王世積下陳江州以功拜上開府隴右諸羌數爲寇亂朝廷以勣有威名拜洮州刺史後遇吐谷渾來寇勣遇疾不能拒戰賊遂大掠而去憲司奏勣亡失戶口又言受羌饋遺竟坐免官後卒於家時年五十六子士廉最知名

高構

按隋書高構傳構字孝基北海人也性滑稽多智辯給過人好讀書工吏事弱冠州補主簿仕齊河南王參軍事歷徐州司馬蘭陵平原二郡太守齊滅後周武帝以爲許州司馬高祖受禪轉冀州司馬甚有能名徵拜比部侍郎尋轉民部遷雍州司馬以明斷見稱歲餘轉吏部侍郎號爲稱職後徙雍州司馬坐事左轉蓋屋令甚有治名上善之復拜雍州司馬又爲吏部侍郎以公事免煬帝立召令復位後以老病解職大業七年終于家時年七十二

唐

高斌廉

按舊唐書裴寂傳太宗將舉義師不敢發言見寂爲高祖所厚乃出私錢數百萬陰結龍山令高斌廉與寂博戲漸以輸之寂喜太宗遂以情告之

高馬

按唐書高季輔傳馬字季輔以字行德州舊人居母喪以孝聞兄元道仕隋爲汲令縣人反城應賊殺元道季輔率其黨與縣人戰禽之斬首以祭賊衆畏伏更歸附之俄與武陟李厚德將其衆降授陟州總管府戶曹參軍貞觀初拜監察御史彈治不避權要累轉中書舍人進授太子右庶子後爲吏部侍郎善銓叙人物久之遷中書令兼檢校吏部尚書監修國史進爵齊縣公未幾初加光祿大夫侍中兼太子少保感疾歸第有詔以其兄號州刺史季通爲宗正少卿視疾遣中使日候增損卒年五十八贈開府儀同三司荊州都督諡曰憲子正業仕至中書舍人坐善上官儀貶嶺表

高開道

按唐書高開道傳開道滄州陽信人世覓鹽爲生少趨勇走及奔馬隋大業末依河間賊格謙謙滅與其黨百餘人亡海曲後出剽滄州衆稍附因北掠戌保自臨渝至懷遠皆破有之復引兵圍北平隋守將李景不能支拔城去開道據其地武德元年陷漁陽郡有之自號燕王寶建德圍羅藝於幽州藝請救開道以騎二千赴之建德解去乃因藝使請降詔以爲蔚州總管上柱國北平郡王賜姓李五年幽州饑開道許輸以粟藝發兵三千車數百馬驢千往請粟開道

悉留不遣遂北連突厥告絕於藝復稱燕時羣盜相繼平開道欲降自疑反覆得罪擒恃突厥自安然將士多山東人思歸衆益厭亂初開道募壯士數百爲善于衛閣下及劉黑闥將張君立亡歸開道命與愛將張金樹分督之金樹滑令左右數人僞與諸養子戲至夕入閣絕其弓弦又取刀稍聚床下既瞑金樹以其征謀攻之養子窮爭歸金樹開道顧不免振甲挺刃據堂坐與妻妾飲酒金樹畏不敢前天且明開道先縊其妻妾諸子而後自殺開道起兵凡八年滅

高儉

按唐書高儉傳儉字士廉以字顯齊清河王岳之孫敏惠有度量仁壽中補治禮郎斛斯政奔高麗坐與善貶爲朱鸞主簿會世大亂京師阻絕交趾太守丘和署司法書佐時欽州俚帥客長兵以兵侵交趾和懼欲出迎士廉曰長兵雖多縣軍遠客勢不得久城中兵尚可戰奈何受制於人和因命爲行軍司馬逆擊破之高祖遣使徇嶺南武德五年與和來降於是秦王領雍州牧薦士廉爲治中王爲皇太子授右庶子進侍中封義興郡公坐匿王珪奏不時上左授安州都督進益州大都督府長史入爲吏部尚書進封許國公高祖崩攝司空營山陵加特進遷尚書右僕射太宗幸洛陽太子監國命攝少師久之請致仕聽解僕射加開府儀同三司同中書門下三品知政事帝伐高麗皇太子監國駐定州又攝太傅同掌機務遷至并州有疾帝即所舍問之貞觀二十一年疾甚帝幸其第爲流涕卒年七十一諡曰文獻

高智周

按唐書高智周傳智周常州晉陵人第進士補越王府參軍遷費令入擢祕書郎弘文館直學士三遷蘭臺大夫孝敏在東宮爲侍讀移病去俄拜壽州刺史遷正諫大夫黃門侍郎儀鳳初進同中書門下三品遷太子左庶子久之罷爲御史大夫與薛元超裴炎同治章懷太子獄無所同異固表去位高宗美其榮授右散騎常侍請致仕聽之卒年八十二贈越州都督諡曰定

高履行

按唐書高履行傳履行居母喪毀甚太宗諭使彊食尚東陽公主襲爵縣戶部尚書爲益州大都督府長史坐長孫無忌左授洪州都督改永州刺史

高真行

按唐書高真行傳真行至左衛將軍其子岐連章懷太子事詔令自諫切真行以佩刀刺殺之斷首棄道上高宗鄙其爲貶睦州刺史

高審行

按唐書高審行傳審行自戶部侍郎貶渝州刺史

高子貢

按唐書邢文偉傳高子貢善太史書與朱敬則善擢明經歷祕書省正字弘文館直學士不得志因棄官去徐敬業起兵弟敬猷統兵五千逼和州子貢率鄉人數百拒之賊引去以功擢朝散大夫爲成均助教東莞公融嘗爲和州刺史從子貢受業及融謀舉兵令黃公譔見子貢推爲謀主書疏往返因結諸王內應謀泄坐死

高徽

按唐書高徽傳徽京兆萬年人隋尚書左僕射顯孫也舉明經稍遷通義令有治勞人刻石載德歷趙州刺史平昌縣子聖曆初突厥默啜入寇徽嬰城拒寇長史唐波若與寇通徽覺之力不能制即目經不得死爲寇執執諭降諸縣不肯應見殺贈冬官尚書諡曰節

高仲舒

按唐書高仲舒傳仲舒通故訓學擢明經爲相王府文學王所欽器開元初宋璟蘇頌當秉多咨訪焉終太子右庶子

高秀岩

按山西通志秀岩稷山人開元中從擊吐蕃以功授萬福府別將賜緋魚袋仍留衛京都累遷戶部尚書兼河東節度使祿山之亂肅宗在靈武秀岩星奔行在獻謀刻日日期復兩都帝善之乃隨郭子儀李嗣業舉兵預有勞績疾亟遺訓諸子曰潔己者事君之本精誠者神明之佑母近憒人母遠者德子八人皆顯

高適

按唐書高適傳適字達夫滄州渤海人少落魄不治生事客梁宋間宋州刺史張九皋奇之舉有道科中第調封丘尉不得志去客河西河西節度使哥舒翰表爲左驍衛兵曹參軍掌書記祿山亂名翰討賊即拜適左拾遺轉監察御史遷侍御史擢諫議大夫負氣敢言權近側目除揚州大都督府長史淮南節度使李輔國惡其才數短毀之下除太子少詹事未幾蜀亂出爲蜀彭二州刺史梓屯將段子璋反適從崔光遠討斬之而光遠兵不戢遂大略天子怒罷光遠

以適代爲西川節度使廣德元年吐蕃取隴右適率兵出南鄙欲牽制其力既無功遂亡松維二州及雲山城召還爲刑部侍郎左散騎常侍封渤海縣侯永泰元年卒贈禮部尚書諡曰忠

高仙芝

按唐書高仙芝傳仙芝高麗人父舍難初以將軍隸河西軍爲四鎮校將仙芝年二十餘從至安西以父功補游擊將軍仙芝之美姿質善騎射初事節度使田仁琬蓋嘉運等不甚知名後事夫蒙靈督乃善遇之開元末表爲安西副都護四鎮都知兵馬使小勃律其王爲吐蕃所誘妻以女故西北二十餘國皆羈屬吐蕃自仁琬以來三討之皆無功天寶六載詔仙芝以步騎一萬出討拂林大食諸國皆震懾降附奏捷京師擢鴻臚卿假御史中丞爲四鎮節度使加左金吾衛大將軍尋除武威太守拜右羽林軍大將軍封密雲郡公祿山反榮王爲元帥仙芝副之繼封常清東討帝御勤政樓引榮王爲元帥仙芝副之繼封常清望春亭勞遣詔監門將軍邊令誠監軍大陝郡而常清敗還仙芝急乃開太原倉悉以所有賜士卒焚其餘引兵趨潼關會賊至甲仗資糧委於道彌數百里既至關勒兵繕守具士氣稍稍復振賊攻關不得入乃引還初令誅數私於仙芝仙芝不應因言其逗撓狀以激帝且云常清以賊搖衆而仙芝棄陝地數百里股盜襲賜帝大怒使令誠即軍中斬之令誠已斬常清陳尸於蓬蔭仙芝自外至令誠以陌刀百人自從曰大夫亦有命仙芝顧麾下曰我募若輩本欲破賊取重賞而賊勢方銳故遷延至此亦以固關也我

有罪若輩可言不爾當呼枉軍中咸呼曰枉其聲殷地仙芝遂就死

高力士

按唐書高力士傳力士馮盎曾孫也聖曆初嶺南討擊使李千里上二闕兒曰金剛曰力士武后以其疆悟救給事左右坐累逐出之中人高延福養爲子故冒其姓善武三思歲餘復得入禁中稟食司官臺既壯長六尺五寸謹密善傳詔令爲宮闈丞元宗在藩力士傾心附結已平韋氏乃啓屬內坊擢內給事先天下以誅蕭岑等功爲右監門衛將軍知內侍省事於是四方奏請皆先省後進小事即專決將相承風附會不可計肅宗在東宮兄事力士加累驃騎大將軍封渤海郡公有袁思藝者帝亦愛幸然驕倨甚士大夫疏畏之而力士陰巧得人譽帝初置內侍省監二員秩三品以力士思藝爲之帝幸蜀思藝遂臣賊而力士從帝進齊國公從上皇還進開府儀同三司上皇徙西內居十日爲李輔國所誣除籍長流巫州寶應元年赦還見二帝遺詔北向哭歐血而卒年七十九代宗以護衛先帝勞還其官贈揚州大都督

高尚

按唐書高尚傳尚雍奴人母老丐食自給尚客河朔不肯歸與令狐潮相善淫其婢生一女遂畱居然爲學善文辭嘗喟然謂汝南周鏡曰吾當作賊死不能斃草根求活也李齊物爲新平太守薦諸朝費錢三萬介之見高力士力士以爲才置門下諷近臣表其能擢左領軍倉曹參軍力士語祿山表爲平盧掌書記因出入臥內遂與嚴莊語圖識祿山反陷東都

僞拜中書侍郎賊所下赦令皆尚爲之至僞侍中

高郢

按唐書高郢傳郢字公楚其先自渤海徙衛州遂爲衛州人九歲通春秋工屬文父伯祥爲好時尉安祿山陷京師將誅之郢尚幼解衣請代賊義并貸之寶應初及進士第代宗爲太后營章敬寺郢以白衣上書諫不納以茂才異行高第累擢成陽尉郭子儀取爲朔方掌書記子儀怒判官張曇奏抵死郢引挾甚力忤子儀意下徙荷氏丞李懷光引佐郭寧府懷光反郢固止之與其將呂鳴岳張延英謀間道歸國事洩懷光先斬二將然後引郢詰詰郢抗詞無所愧隱懷光慙赦之懷光已誅李晟表其忠馬燧奏管書記召拜主客員外郎遷中書舍人久之進禮部侍郎還太常卿貞元末擢中書侍郎同中書門下平章事順宗立病不能事以刑部尚書罷明年爲華州刺史政尚仁靜復召爲太常卿除御史大夫數月改兵部尚書固乞骸骨以尚書右僕射致仕卒年七十二贈太子太保諡曰貞

高固

按唐書高固傳固不知何許人或言四世祖侃永徽中爲北廷安撫使禽車鼻可汗以功爲安東都護固生微賤爲家所賣轉爲渾城童奴字黃茶性敏惠有膂力善騎射城愛養之以齊有高固因以名從城屯朔方德宗在奉天固仍從城賊突入東塞門固引銳士長刀殺賊數十人曳車塞闕賊不能入封渤海郡王李懷光反使郗寧畱後張昕先趣河中固伺間斬昕首以徇拜檢校右散騎常侍前軍兵馬使貞元十

七年郗寧節度使楊朝晟卒詔以固拜郗寧節度使固本宿將且寬厚人皆安之憲宗時檢校尚書右僕射入爲右羽林統軍卒贈陝州大都督

高沐

按唐書高沐傳沐渤海人父爲事宣武李靈耀靈耀反馮密遣人奏賊繼悉有詔拜曹州刺史會李正己盜有曹濮馮不能自通朝廷死官下沐貞元中擢進士第以家託郗故李師古辟署判官師道叛沐率共倭郭昶郭航李公度引古今成敗前後鏘說不能入師道所厚吏李文會林英等乘間訴曰比悉心憂公家事而爲沐等所疾公奈何舉十二州地成沐輩千載名乎由是疏斥沐令守濮州沐上書盛夸山東英海之饒得其地可以富國師道謀皆露後英奏事京師晉邸史言沐以誠款結天子師道怒誅沐又有崔承龍楊偕陳佑崔清皆抗節忤賊李元會指爲沐黨皆被囚元和十四年贈沐吏部尚書航萊州人以氣聞師道署右職與昶同居齊初昶舉進士權德輿將取之聞其家賊中乃罷遂爲賊聘二人卒能以忠顯

高崇文

按唐書高崇文傳崇文字崇文其先自渤海徙幽州七世不異居崇文性機重寡言少籍平盧軍貞元中從韓全義鎮長武城治軍有聲累官金吾將軍吐蕃寇靈州崇文率兵往救大破之封渤海郡王全義入朝詔知行營節度後務遷長武城都知兵馬使劉闢反宰相杜黃裳薦其才詔檢校工部尚書左神策行營節度使俾統兵討闢中出郗劍門兵解梓潼之圍賊將邢溫退守梓州詔拜崇文東川節度使趣

成都關走追擒之檻送京師進檢校司空西川節度副大使南平郡王同中書門下平章事郭寧慶節度使爲京西諸軍都統崇文特功而後舉蜀帑藏百工之巧者皆自隨又不曉朝廷儀憚於觀謁有詔聽便道之屯居邠三年戎備整修卒年六十四贈司徒諡曰威武

高霞寓

按唐書高霞寓傳霞寓幽州范陽人其先五代不異居孝聞里閭德宗初採訪使洪經綸言之闕詔表于門霞寓能讀春秋及兵法頗以威靈自尚役諸多變往見長武城使高崇文崇文異其才微任軍職從擊劉闢有功擢拜彭州刺史俄代崇文爲長武城使封感義郡王元和中以左威衛將軍從吐突承璀討王承宗有功拜豐州刺史三城都團練防禦使討吳元濟也析山南東道爲兩鎮以霞寓右將拜唐鄧節度使退賊南衛霞寓雖悍而寡謀統制九非所善賊爲北逐之爲伏所掩遂大敗詔貶歸州刺史乃厚賂權宦召爲右衛大將軍拜振武節度使改左武衛大將軍又節度邠軍位檢校司徒實曆中疽發首不能率以石金吾衛大將軍召卒於道贈太保

高定

按唐書高郢傳郢子定辯惠小牛董二世重其早惠以字顯長通王氏易爲圖合八出上圓下方合則重轉則演七轉而六十四卦六甲八節備焉任至京兆府參軍

高承簡

按唐書高崇文傳崇文子承簡少事忠武軍後更隸

神策以崇文平蜀功除嘉王傅裴度征蔡奏署牙將蔡平詔析上蔡鄆城遂平西平四縣爲澁州拜承簡刺史治鄆城遷邢州刺史觀察府貲賦尤急承簡代下戶數百輸租遷宋州會宣武將李芥反遣使責財于宋承簡囚之前後數輩輒繫獄一日并出斬于牙門威震部中拜兗海沂密節度使遷義成軍檢校尚書左僕射入拜右金吾衛大將軍復節度邠軍屬疾還朝道卒贈司空諡曰敬

高瑀

按唐書高瑀傳瑀冀州衛人少沈遠喜言兵釋褐右金吾曹曹參軍累遷陳蔡二州刺史入爲太僕卿忠武節度使王沛死衛軍諸將多自謂得之宰相裴度韋處厚以瑀治陳蔡素有狀習軍中情僞欲任之會其軍表句瑀乃檢校左散騎常侍領忠武節度使再加檢校尚書右僕射六年徙節武寧軍以刑部尚書召辭疾拜太子少傅不閱月復詔節度忠武卒于鎮贈司空瑀寬和居官無赫然譽所至稱治士人懷之

高鉞

按唐書高鉞傳鉞字翹之史失其何所人擢進士第累遷右補闕史館修撰元和末轉起居郎數陳政得失穆宗嘉之召入翰林爲學士張韶變與倉卒鉞從敬宗夜駐右軍翌日進知制誥拜中書舍人俄罷學士累進吏部侍郎出爲同州刺史卒贈兵部尚書鉞少孤寡介然無黨援以致宦達諸弟皆檢廳友愛爲指紳景重

高鉞

按唐書高鉞傳鉞弟鉞字權仲既擢第署太原張弘

靖幕府入遷監察御史太和時累擢給事中文宗得李訓驟拜侍講學士鉞率諫官伏閣言訓素行儉邪不可任帝不省明年訓當國出鉞爲浙東觀察使歷義成節度使大和中遷禮部尚書判戶部徙太常卿卒

高錯

按唐書高錯傳錯字弱金連中進士宏辭科辟河東府參謀歷吏部員外郎遷中書舍人開成元年權知貢舉爲禮部侍郎閱三歲頗得才實遷吏部侍郎出爲鄂岳觀察使卒贈禮部尚書

高重

按唐書高儉傳儉五世孫重字文明以明經中第李異表鹽鐵轉運判官善職凡十年進累司門郎中敬宗愼置侍講學士重以簡厚停正與遷再擢國子祭酒出爲鄂岳觀察使以美政被褒久之拜太子賓客分司東都卒贈太子少保

高少逸

按唐書高元裕傳元裕自侍講爲中丞文宗難其代元裕表言兄少逸才可任因以命之少逸長慶末爲侍御史坐失舉劾貶贊善大夫累遷諫議大夫進給事中出爲陝就觀察使以兵部尚書致仕卒

高元裕

按唐書高元裕傳元裕字景圭其先蓋渤海人第進士累辟節度府以右補闕召俄換侍御史內供奉李宗閔高其節擢諫議大夫進中書舍人及宗閔得罪元裕坐餞貶閬州刺史復授諫議大夫翰林侍講學士莊恪太子立擇可輔導者乃兼賓客進御史中丞

元和中累擢尚書左丞領吏部選出爲宜歙觀察使入授吏部尚書拜山南東道節度使封渤海郡公奏獨通賦甚衆在鎮五年復以吏部尚書召卒於道年七十六贈尚書右僕射元裕性勤約通經術敏于爲吏嚴嚴有風采推重于時元裕始名允中太和中改今名

高璩

按唐書高元裕傳元裕字璩字登之第進士累佐使府以左拾遺爲翰林學士擢諫議大夫懿宗時拜劍南東川節度使召拜中書侍郎同中書門下平章事閏月卒贈司空太常博士曹鄴建言璩宰相交遊醜雜進取多蹊徑諡法不思妄愛曰刺諍諡爲刺從之

高湜

按唐書高鈇傳鈇子湜字澄之第進士累官右諫議大夫咸通末爲禮部侍郎以兵部侍郎判度支出爲昭義節度使爲下所逐貶連州司馬以太子賓客分司東都卒

高湘

按唐書高鈇傳鈇弟錯錯子湘字濬之擢進士第歷長安令右諫議大夫從兄湜與路巖親善而湘厚劉瞻巖既逐瞻貶湘高州司馬僖宗初召爲太子右庶子終江西觀察使

高蟾

按全唐詩話高蟾初落第詩云天上碧桃和露種日邊紅杏倚雲栽芙蓉生在秋江上莫向東風怨未開時謂蟾無躁競心後登第乾符中爲中丞

高駢

按唐書高駢傳駢字千里南平郡王崇文孫也家世禁衛幼頗修飾折節爲文學與諸儒交經綽綽治道兩軍中人更稱譽之事朱叔明爲司馬有二鵝並飛駢曰我且貴當中的一發貫二鵝焉衆大驚號落鵝侍御後歷右神策軍都虞候充項叛率禁兵萬人戍長武殺獲甚多懿宗嘉之徙屯秦州即拜刺史兼防禦使取河渭二州略定鳳林關咸通中帝將復安南

拜駢爲都護駢投安南以都護府爲靜海軍授駢節度兼諸道行營招討使加檢校尚書右僕射駢之戰其從孫淳常先鋒冒矢石以勸士駢從節天平萬淳自代僖宗立即其軍加同中書門下平章事南詔寇福州掠成都徙駢劍南西川節度乘傳詣軍聞駢至亟解去進檢校司徒封燕國公徙荆南節度王仙芝敗殘黨過江帝以駢治鄆威化大行故授駢鎮海節度使駢分兵窮討賊走嶺表加諸道行營都統鹽鐵轉運等使賊更推黃巢南陷廣州俄徙淮南節度副大使駢傳檄召天下兵共討賊威震一時天子倚以爲重會駢信壁將呂用之託疾未可以出巢逼揚州駢兵終不出兩京陷天子猶冀駢立功寄等未哀進檢校太尉東面都統京西京北神策軍諸道兵馬等使俄帝知駢無出兵意天下益殆乃以王鐸代爲都統以崔安潛副之詔韋昭度領諸道鹽鐵轉運使加駢侍中封渤海郡王駢失兵柄利權即上書謾言不恭部下多叛去鬱鬱無聊乃篤意求神仙以軍事屬用之嗣襄王煜之亂駢上書勸進僞假駢中書令諸道兵馬都統江淮鹽鐵轉運使光啓三年畢師鐸見駢府宿將多以譏死憂甚帥兵以誅呂用之爲名求

救于宣州奉彥約事平迎以代駢及用之出奔師鐸命左右往殺之妻以故寵與子弟七人一坎而喪楊行密擢駢孫愈爲副使令主喪事未克葬愈暴死故吏鄭師虔收葬之

高仁厚

按唐書高仁厚傳仁厚亡其系出初事劍南西川節度使陳敬瑄爲營使黃巢陷京師天子出居成都敬瑄遣黃頭軍部將李錕輩戍以兵萬五千戍興平數敗巢兵賊就蜀兵爲鵠兒每戰輒戒曰毋與鵠兒圖敬瑄喜其兵可用益選卒二千使仁厚將而東會邛州賊所能衆數萬略諸縣涪州刺史韓秀昇等亂峽中韓求反蜀州敬瑄召仁厚還使督兵四討賊羅羅渾擊設伏詐降仁厚遣將不持兵入諭其衆皆具降渾擊詐窮而逸吏執之降韓求知大賊已禽赴水死衆鉤出斬以徇餘柵皆下仁厚還天子御樓勞軍授仁厚檢校尚書左僕射眉州刺史敬瑄與仁厚謀曰秀昇未禽宜輪極奪百官之奉民不鹽食公能破賊當以東川待公仁厚許之詔拜行軍司馬仁厚以銳兵溯江而陣夜以千卒薄營火而譟之秀昇率舟兵救火仁厚遣人驚沒整舟皆沉衆懼多潰秀昇斬潰兵欲脅止之衆怒執秀昇以降仁厚檻車送行在斬於市東川節度使楊師立初隸神策軍累遷檢校司空同中書門下平章事聞敬瑄以仁厚代己有望言敬瑄諷帝召師立以本官兼尚書右僕射師立益怒移檄言敬瑄十罪殺監軍田綸屯涪城遣兵攻綿州不克又檄劍州刺史姚卓文其攻成都卓文不應帝乃下詔削官爵敬瑄即表仁厚爲東川節度留後率

兵討之師立遣大將張士安鄭君雄守鹿頭關師立嬰城閱四旬夜出兵換北柵伏發擊走之於是士安不敢出師立自督士十戰皆北仁厚約城中斬首惡者賞君雄乃與士安譚而進以仁厚書示師立自沈于池死君雄悉誅其家獻首天子仁厚人府縱繫囚賑貧絕詔拜劍南東川節度使光啓二年遂據梓州絕敬瑄君雄時爲遂州刺史亦陷漢州攻成都敬瑄使部將李順之道戰君雄死又發維茂州羌軍擊仁厚斬之乾寧中皆追贈司徒

高言

按尚友錄言字明道個儻豪傑不守小節每風月佳時賓客宴集酒酣氣壯慷慨浩歌嘗曰使我當高光時萬戶侯何足道哉

高助

按十國春秋吳高助舒城人太祖起淮南辟掌書記時軍典事繁用度不足太祖欲以茶鹽易民布帛助諫曰兵火之餘十室九空又漁利以困之將復離叛不若盡我所有易鄰道所無足以給軍選賢守令勸課農桑數年之間倉庫自實太祖以其言爲然悉從之田槩聞之曰仁人之言其利溥矣正助之謂也

高彥

按十國春秋吳越高彥海鹽人初與同縣沈夏受武肅王意密謀誅都將徐及其首歸王前後從征多顯功擢海昌鎮將會湖州刺史李繼徽棄郡奔淮南彥隨王親巡其地王由是雅屬意彥題詩嬰蘭堂壁云須將一片地付與有心人及去語彥曰我以此州授汝矣汝宜善撫之奏遷湖州制置使旋升本州刺

史遙領費州加檢校司空渤海公彥性淳厚居湖十一載政尚寬簡民頗便之天祐三年冬與道場山僧如衲訣別而卒如衲口能容拳手過膝彥常以師禮事之

高渭

按十國春秋吳越高渭彥長子也初從彥于湖州武肅王巡衣錦城會有徐許之亂焚掠郭郭將及內城彥聞變亟遣渭赴難渭遂率所部徑趨靈隱山伏發遇害後淮南檣送徐縮歸王命剖心祭渭

高澧

按十國春秋吳越高澧湖州刺史彥第三子也初彥常募羽人持刀入臥內驚問其故羽人曰來爲君之子報數千人冤耳已而生澧年十三四卽酷暴自用及天祐末嗣父職恣行誅僇好使酒殺人武肅王惡其兇虐謀治兵問罪澧遂導淮南將李簡等人其境王遣子傳瓊禦之簡等挾澧而遁澧至淮南爲淮人所害

欽定古今圖書集成明倫彙編氏族典
第二百四卷目錄

高姓部列傳四

後梁

高萬興 弟萬金

後唐

高思繼

高季興

高允韜

後晉

高從誨

高審思

後周

高從義

遼

高模翰

高正

宋一

高錫

高懷德

高冕 子垂休

高從誼

高從謙

高保正

高保紳

高保緒

高保節

高保衡

高保膺

高繼冲

高繼充

高乾

高從遇

高諷

高仲職

高頤

高瓊

高若訥

高繼勳

高繼宣

高賦

高憚

高弁

高觀

高處恭

高處俊

高化

高遵甫

高遵裕

高遵惠

高士林

高敏

高居簡

高末能

高末年

高漸

高宗信

高荷

高允文

高公紀

氏族典第二百四卷

高姓部列傳四

後梁

高萬興 弟萬金

按五代史高萬興傳萬興河南人也唐末河西屬李茂貞茂貞將胡敬璋為延州刺史萬興與弟萬金俱事敬璋為騎將敬璋死萬興兄弟以其部下數千人降梁太祖兵屯河中以兵應萬興攻丹州進攻延州乃以萬興為延州刺史忠義軍節度使以萬金為

保大軍節度使萬興累遷檢校太師兼中書令封渤海郡王貞明四年萬金卒乃以萬興為鄜延節度使進封延安郡王徙封北平王梁亡莊宗入洛萬興嘗一來朝同光三年卒於鎮

後唐

高思繼

按五代史高行周傳行周父思繼兄弟皆以武勇雄於北邊為幽州節度使李匡威戍將匡威為其弟匡儔所篡晉王將討其亂遣人招思繼兄弟燕俗重氣義思繼等聞晉兵為匡威報讎乃從之為晉兵前鋒匡儔聞思繼兄弟皆叛乃棄城走克用以劉仁恭守幽州以思繼為中軍都指揮使高氏兄弟分掌燕兵克用謂仁恭曰思繼兄弟勢傾一方為燕患者必高氏也由是晉盡誅思繼兄弟

高行周

按五代史高行周傳行周字尚質潁州人也世為懷戎戍將父思繼兄弟皆以武勇雄於北邊李克用以劉仁恭守幽州盡誅思繼兄弟以其兄子行珪為牙將而思繼子行周年十餘歲亦收之帳下稍長補以軍職守光立以行珪為武州刺史其後守光背晉晉兵攻之守光將元行欽叛兵過武州圍行珪月餘城中食盡夜縱行周馳入晉見莊宗莊宗因遣明宗救武州行珪乃降晉莊宗時歷朔州忻州三州刺史大同軍節度使明宗入立徙鎮威勝安遠卒於鎮贈太尉行周諱明宗帳下初為裨將梁晉軍河上莊宗遣明宗東壘鄆州行周將前軍滅梁以功鎮端州刺史遷絳州明宗時從平朱守殷克王都遷潁州圍練使振

武軍節度使歷鎮彰武昭義晉高祖時為西京留守徙鎮天雄安從進叛以行周為襄州行營都部署討平之徙鎮歸德出帝時為侍衛親軍都指揮使是時李彥韜馮玉等用事乃求歸鎮契丹滅晉漢高祖入京師加行周守中書令徙鎮天平封臨清王周太祖入立封齊王卒贈尚書令追封秦王有子懷德

高季興

按五代史南平世家高季興字貽孫陝州硤石人也本名季昌避後唐獻祖廟諱更名季興少為汴州富人李讓家僮讓易姓名曰朱友讓季興因冒姓朱氏補制勝軍使還殺舅指揮使天復二年梁兵攻鳳翔季興募勇敢士馬景馳叩城門殺九千餘人明年拜宋州刺史從破青州徙鎮州防禦使復姓高氏梁破襄州以為荆南節度觀察苗後開平元年拜節度使二年加同中書門下平章事梁衰乃阻兵自固末帝封季興渤海王唐莊宗入洛季興來朝同光三年封南平王明宗入立攻之季興遂臣於吳吳開季興泰王天成三年卒年七十一諡曰武信

高從嗣

按十國春秋荆南高從嗣武信王從子也為人驍勇有力喜馳突深入敵軍率以為常積功至雲猛指揮使天成三年楚武穆王遣許德勳入寇以其子希範為監軍使次沙頭從嗣恃勇單騎楚楚聲請與希範挑戰決勝負為楚將廖匡齊所殺王懼遂與楚和

高允韜

按五代史高萬興傳萬興子允韜代立長興元年徙鎮安國又徙義成清泰中卒

後晉

高從誨

按五代史南平世家季興子從誨字遵聖季興時入梁為供奉官累遷鞍轡庫使賜告歸軍季興遂留為馬步軍都指揮使行軍司馬季興卒吳以從誨為荆南節度使懼見討奉表自歸明宗納之長興元年封渤海王應順元年封南平王晉高祖賜以甲馬百匹荆南地狹兵弱介於吳越為小國自吳稱帝而後南漢與閩蜀皆稱帝從誨所嚮稱臣利其賜予諸國皆目為高賴子乾祐元年卒年五十八諡曰文獻

高允權

按五代史高萬興傳萬興弟萬金萬金子允權開運中唐施令罷居於家時周密為彰信軍節度使契丹滅晉延州軍亂以允權為留後聞漢高祖起太原遂歸漢即拜節度使廣順三年卒

高審思

按十國春秋吳高審思少事太祖以驍勇名於軍中劉信平虔州審思為裨將屢立戰功審思為人厚重寡言齊王徐知誥奇之常使總領親兵及裨代拜壽州節度使加中書令增修城隍守備甚嚴或謂曰以公威略守此堅城何懼而過為畏懦也審思曰兵機多變不可不懼有備無患策之上也後周師南侵壽州未能卒破人咸思審思遺績云年七十八卒於鎮

後周

高從義

按十國春秋荆南高從義武信王從子也視貞懿王

為季父行顯德時從義謀作亂其徒高知訓告變貞懿王命徙於松滋已而殺之

高彥儔

按十國春秋後蜀高彥儔太原人也父暉宣威軍使彥儔從高祖來蜀歷軍校為昭武軍監押後主嗣位遷邛州刺史改馬步使未幾領越州刺史俄為奉鑾肅衛都指揮副使改右驍銳馬軍都指揮使加匡聖馬軍都指揮使拜武定軍節度使周顯德初王景向訓攻鳳州後主令彥儔出兵解圍未至聞敗軍於唐倉因潰歸觀察判官趙玘閉關不納以城歸周彥儔遁歸成都後主不之罪以為右奉鑾肅衛都指揮使改功德使廣政二十二年出授寧江軍都巡檢制置招討使加宣徽北院事昭武軍節度使及朱師至夔州彥儔具衣冠望西北再拜登樓縱火自焚死

遼

高模翰

按遼史高模翰傳模翰一名松渤海人有膂力善騎射好談兵初太祖平渤海模翰避地高麗王妻以女因罪亡歸坐使酒殺入下獄太祖知其才賞之天顯十一年唐遣張敬達楊光遠帥師五十萬攻太原勢銳甚石敬瑭遣人求救太宗許之九月徵兵出太原模翰與敬達軍接戰敗之太原圍解模翰功第一乃授上將軍及晉叛盟出師南伐模翰為統軍副使兼總左右鐵鶴子軍下關南城邑數十以功加侍中加太傅晉以魏府節度使杜重威領兵三十萬來拒模翰以麾下三百人逆戰敗之已而杜重威等降車駕入汴加特進檢校太師封越郡開國公為汴州巡檢

使平汜水諸山土賊遷鎮中京天祿二年加開府儀同三司應曆初召爲中臺省右相九年遷左相卒

高勳

按遼史高勳傳勳字鼎臣管北平王信昭之子性通敏仕晉爲閤門使會同九年來降太宗入汴授四方館使好結權貴能服勳大臣多推譽之天祿間爲樞密使總漢軍事五年劉崇遣使來求封冊詔勳冊崇爲大漢神武皇帝應曆初封趙王出爲上京留守尋移南京十七年宋略地益津關勳擊敗之知南院樞密使景宗即位以定策功進王泰保寧中遷南院樞密使以毒藥饋駙馬都尉蕭嘏里事覺流銅州尋又謀害尚書令蕭思溫詔獄誅之沒其產皆賜思溫家

高正

按遼史高正傳正不知何郡人統和初舉進士第累遷樞密直學士上將伐高麗遣正先往諭意及還還右僕射時高麗王詢表請入覲上許之遣正率騎兵千人迂之館於路爲高麗將卓思正所圍正以勢不可敵與麾下壯士突圍出士卒死傷者衆上悔輕發釋其罪明年遷工部侍郎爲北院樞密副使開泰五年卒

宋一

高錫

按宋史高錫傳錫字天福河中虞鄉人家世業儒幼穎悟能屬文漢乾祐中舉進士王晏鎮徐州辟掌書記畱守西洛又辟河南府推官坐按獄失實奪官周顯德初爲蔡州防禦推官宋初棄官歸京師建隆五年以書千宰相范質奏用爲著作佐郎明年遷監

察御史拜左拾遺知制誥加屯田員外郎會使清州私受節帥郭宗賁遺賁貶萊州司馬改均州別駕移陳州太平興國八年卒

高彥輝

按宋史康延澤傳高彥輝劉州漁陽人仕契丹爲瀛州守將世宗北征以城來降遷耀階二州刺史王師伐蜀爲歸州路先鋒都指揮使全師雄之亂崔彥進遣彥輝與田欽祚共討之至導江遇伏發遂不利欽祚潛遁彥輝獨與部下十餘騎力戰皆死之時年七十餘

高懷德

按宋史高懷德傳懷德字藏用真定常山人周天平節度齊王行周之子懷德忠厚倜儻有武勇行周歷延路二鎮及畱守洛都節制宋毫皆署以牙職嘗開運初遼人侵邊以行周爲北面前軍都部署懷德始冠白行周願從北征以功領羅州刺史及行周移鎮鄆州改集州刺史仍領牙校又遷信州刺史從行周再鎮宋州管末契丹南侵以行周爲邢趙路都部署懷德爲忠州刺史行周卒召懷德爲東西班都指揮使領吉州刺史改鐵騎都指揮使太原劉崇入寇世宗討之以懷德爲先鋒都虞候高平克捷以功遷鐵騎右廂都指揮使領果州團練使從征淮南知廬州行府事充招安使尋遷龍捷左廂都指揮使領岳州防禦使世宗北征命副陳思讓爲雄州兵馬都部署克瓦橋關恭帝嗣位擢爲侍衛馬軍都指揮使領江寧軍節度又爲北面行營馬軍都指揮使太祖

即位拜殿前副都點檢移鎮滑州充關南副都部署尚宣祖女燕國長公主加駙馬都尉李筠叛上黨令懷德率所部攻破筠衆於澤州以功遷忠武軍節度檢校太尉從平揚州建隆二年改歸德軍節度開寶六年加同平章事太宗即位加兼侍中又加檢校太師太平興國四年從平太原改鎮曹州封冀國公七年改武勝軍節度是年卒年五十七贈中書令追封渤海郡王諡武穆

高防

按宋史高防傳防字修己并州壽陽人性沉厚守禮法累世將家父從慶戍天井關與梁軍戰死防年十六護柩以歸事母孝好學善爲詩初張從恩爲北京副留守奏攝太原府倉曹掾從恩移潭州防禦使表爲判官從恩入爲樞密副使防授國子監丞從恩畱守西洛又爲推官召拜殿中丞充鹽鐵推官以母憂去官服除從恩歷鄆晉滎三鎮判官契丹入汴晉主北行從恩欲歸款契丹召拜計議防爲陳逆順諸固守臣節爲左右所搖從恩不用其言遂歸契丹既行命副使越行遷知雷後從恩所親王守恩爲巡檢與防同領郡事防與守恩謀誅行遷以城歸漢祖漢祖召防赴太原加檢校金部郎中乾祐初受屯田員外郎改沒儀令時楊邠用事與防有隙未幾免職居數月周祖即位起爲刑部員外郎改開封令遷本府少尹除刑部郎中世宗即位拜左諫議大夫顯德二年遷給事中下秦州權知州事兼判海陵監事三年改左散騎常侍其秋召歸闕復歷知蔡州二州再從世宗南征判行泗州及城降命防知州事復知蔡州

五年遷戶部侍郎世宗謀取蜀以防爲西南面水陸轉運制置使又爲潯州東北路計度轉運使澤潞平拜尚書左丞出知秦州命吳廷祚爲節度以代防歸爲樞密直學士復出知鳳翔乾德元年卒年五十九

高冕

字垂休按宋史高錫傳錫兄子冕字子莊周顯德中詣闕上書稱旨擢爲諫議大夫宰相范質以爲超擢太過詔特授將仕郎守右補闕宋初由膳部都官員外郎累至膳部郎中出知益州雍熙二年卒年五十贈右諫議大夫錄其子垂休爲固始主簿

高從翊

按十國春秋荆南高從翊武信王子也官合州刺史歸宋遷右衛將軍

高從誦

按十國春秋荆南高從誦武信王子文獻王弟也繼冲時爲牙將降宋改右衛率府率

高從讓

按十國春秋荆南高從讓武信王子入宋授左清道率府率

高從謙

按十國春秋荆南高從謙武信王子降宋擢左司禦率府率

高保勳

按十國春秋荆南高保勳文獻王第一子貞懿王兄也

高保正

按十國春秋荆南高保正文獻王第三子也

高保融

按五代史南平世家從誨第三子保融字德長從誨時爲節度副使兼峽州刺史從誨卒拜節度使廣順元年封渤海王顯德元年進封南平王宋與保融懼一歲之間三入貢建隆元年卒年四十一諡曰貞懿

高保紳

按十國春秋荆南高保紳文獻王子也周顯德時貞懿王與世宗通好以器械金帛不足以效忠節乃命保紳入朝致歸順之意世宗大悅遂詔以秦州鹽給荆南牙兵保紳歷官江陵少尹歸宋擢衛尉卿

高保寅

按十國春秋荆南高保寅字齊異文獻王子晉天福七年以陰授太子舍人賜緋累加檢校司空貞懿王時奏授節院使宋與保助既襲荆南節鎮命保寅入覲汴京太祖名對便殿慰籍甚至授掌書記遣還保寅語保助曰眞主出世天將混一區宇宜首率諸國奉土歸朝無爲他人取富貴資也保助不聽及宋將慕容延釗等征武陵道出京口保寅奉牛酒犒軍太祖嘉其功驛召赴闕除將作監充內作坊使賜第一區俄知宿州乾德四年丁母艱起復轉少府監開寶五年知懷州歷司農衛尉二卿是州本隸河陽時趙普爲帥與保寅素有隙事多抑制保寅心不能平手疏請罷支郡之制宋太宗從之頗聽其言又爲西川諸州都巡檢使改光祿卿歷知同汝二州改光化軍卒年六十八計開朝廷賻錢十萬廢朝一日

高保緒

按十國春秋荆南高保緒文獻王子繼冲時官左衛

都將入宋擢鴻臚少卿

高保助

按五代史南平世家保助字省躬從誨第十子也保融卒拜節度使三年卒年三十九

高保節

按十國春秋荆南高保節文獻王子生而穎異官右衛都將娶功臣王保義女納土後宋除爲司農少卿

高保遜

按十國春秋荆南高保遜事繼冲爲牙將文獻王子也入宋太祖命爲左監門衛將軍

高保衡

按十國春秋荆南高保衡文獻王子也累官巴州刺史及繼冲納土宋改爲歸州刺史

高保膺

按十國春秋荆南高保膺亦文獻王子起家知峽州事入宋署爲本州刺史

高繼冲

按宋史荆南世家繼冲字贊平保融長子也周顯德六年以陰檢校司空爲荆南節度副使建隆三年保助薨疾以繼冲爲節度副使權知軍府保助卒四年正月制授繼冲爲檢校太保江陵尹荆南節度時湖南張文表叛周保權求救於朝廷詔江陵發水軍三千人赴潭州繼冲即遣親校李景威將之而往二月慕容延釗李處耘等率衆至繼冲以牛酒犒師開門納延釗等即遣客將王昭濟蕭仁楷奉表納土太祖授繼冲馬步都指揮使會是歲將郊祀表求入觀可之十月至闕下賜寶甚厚郊禮畢授繼冲徐州大都

督府長史武寧軍節度使徐宿觀察使繼冲鎮彭門
幾十年委政僚佐部內亦治開寶六年卒年三十一
贈侍中

高繼充

按十國春秋荆南高繼充貞懿王子也貞懿王二子
長曰繼冲次曰繼充繼充官至歸州刺史

高乾

按宋史高瓊傳瓊祖霸父乾五代時李景據江南潛
結契丹歲遣單使往復霸將契丹之命以乾從行使
景方至江左謀間北使與中夏構隙遂殺霸居乾濠
州乾在濠生三子尋歸中朝給田毫州之蒙城因土
著焉

高從遇

按十國春秋後蜀高從遇成都人道與子也事高祖
父子為翰林待詔嘗於宮中大安樓下繪天王對佛
圖甚奇偉于文進工書佛道深得曹吳之筆國以入
宋宋太宗時在潛邸文進往依焉後授翰林待詔未
幾修相國寺命文進做高益舊本畫西廡變相及太
一宮壽寧宮啓聖院開寶塔下諸畫壁率皆稱旨畫
院諸臣多宗之

高諷

按十國春秋後蜀高諷者自云太尉駢之後前蜀時
即羈旅兩川性多忤物每求官不遂輒偏告人曰何
不還我羅城來羅城故駢所築也後歷仕高祖後主
為顯官廣政末隨後主降宋除太府卿

高仲職

按十國春秋北漢高仲職事英武帝為樞密使以中

謾不良死

高頤

按宋史高頤傳頤字子奇開封雍丘人後唐清泰中
舉進士時裴皞以左僕射致仕頤以文贊於皞明年
禮部侍郎馬裔孫知貢舉乃皞門下生也皞以頤語
之遂擢乙科四遷魏博觀察支使周顯德中符彥卿
奏署掌書記時太宗親迎懿德皇后於大名彥卿遣
頤迎候日夕陪接尤仲款好後隨彥卿鎮鳳翔會詔
畱彥卿洛陽頤復為天雄軍掌書記後以病免居於
魏雍熙二年太宗親試貢士頤于南金舉學究自陳
曰臣父年八十四家貧無以存養願賜一第庶獲寸
祿以及老父上即擢南金第拜頤左補闕致仕後卒
於家頤有清節力學彊記次子鼎舉進士至殿中丞

高瓊

按宋史高瓊傳瓊家世燕人父乾歸朝給田毫州之
蒙城因土著焉瓊少勇鷁無賴為盜事敗將戮於市
暑雨創潰伺守者稍怠即掣釘而遁事王審琦太宗
尹京邑知其材勇召置帳下太宗即位擢御龍直指
揮使從征太原討幽薊太平興國四年遷天武都指
揮使領西州刺史明年改為神衛右廂都指揮使領
本州團練使車駕巡師大名命瓊為京城內巡檢坐
事出為許州馬步軍都指揮使會將北伐召歸授馬
步軍都軍頭領薊州刺史部船赴定州又城易州師
還為天武右廂都指揮使領本州團練使端拱初遷
左廂改領富州團練使出為單州防禦使改貝州部
署二年召還遷朔易帥臣制授瓊侍衛馬軍都指揮
使領歸義軍節度出為并州馬步軍都部署改鎮州

都部署至道中就改保大軍節度真宗即位加彰信
軍節度度充太宗山陵都部署復為并代都部署咸平中
契丹犯塞上親巡河朔馳召瓊既而傳潛以逗畱得
罪即召瓊代之咸平三年代還授殿前都指揮使景
德中以久疾求解兵柄授檢校太尉忠武軍節度三
年卒年七十二贈侍中瓊不識字曉達軍政善訓諸
子繼勳繼宜繼忠繼密繼和繼隆繼元繼勳繼宜最
知名

高若訥

按宋史高若訥傳若訥字敏之本并州榆次人徙家
衛州進士及第補彰德軍節度推官改秘書省著作
佐郎再遷太常博士知河縣御史知雜楊偕薦為
監察御史襄行遷尚書主客員外郎殿中侍御史裏
行改左司諫同管勾國子監遷起居舍人知諫院加
直史館以刑部員外郎兼侍御史知雜事擢天章閣
待制知永興軍留判吏部流內銓出為河東路都轉
運使名還兼侍讀權判尚書刑部下母憂終喪服除
加龍圖閣直學士史館修撰以右諫議大夫權御史
中丞明年為樞密副使以工部侍郎參知政事為樞
密使凡內降恩若訥多覆奏不行入內都知王守忠
欲得節度使固執為不可若訐畏惕少過而前駟駁
路人輒至死御史奏彈之皇祐五年罷為觀文殿學
士兼翰林侍讀學士尚書左丞同奉牧制置使判尚
書都省卒贈右僕射諡文莊

高繼勳

按宋史高瓊傳瓊子繼勳字紹先初補右班殿直儀
狀頗偉太宗見而異之召問其家世以瓊子對擢寄